

SUARA PIBG SIMDE

Sekolah Integrasi Masjid Darul Ehsan, Jalan SS15/2E Subang Jaya, Selangor Darul Ehsan

www.simde.edu.my/pibg.php

Terbitan Kedua – Ogos 2007

≈≈ SEKAPUR SIRIH ≈≈

Kepada semua Ibu, Bapa, Guru & Penjaga Pelajar SIMDE

السلام عليكم ورحمة الله وبركاته

Beberapa program / aktiviti telah dilaksanakan oleh PIBG dan SIMDE baru-baru ini dan mendapat sokongan baik daripada ibubapa dan guru serta para pelajar SIMDE. Jadual program PIBG untuk tahun 2007 ini akan diselaraskan dan disesuaikan dengan taqvim sekolah untuk mengelakkan pertembungan yang akan merugikan sumber tenaga dan masa. Beberapa program PIBG yang akan datang sangat memerlukan sokongan dan penglibatan ibubapa. Tanpa kerjasama semua pihak, aktiviti-aktiviti kita tidak akan mencapai kejayaan yang diharapkan.

Saya mengalu-alukan terbitan *SUARA PIBG SIMDE* kali ke-2 ini yang menggalakkan ibubapa dan penjaga untuk mempromosi dan mengiklan produk dan perkhidmatan masing-masing bagi menampung kos penerbitan. Semoga para pengiklan akan mendapat kebaikan daripada iklan mereka, di samping menyumbang kepada PIBG dalam mengurangkan kos setiap penerbitan.

PIBG sentiasa terbuka kepada cadangan untuk menjana pendapatannya, meningkatkan Tabung Kebajikan PIBG, mengumpul dana bagi pembangunan dan keceriaan SIMDE, dan sebagainya. Tuan / puan boleh kemukakan cadangan dalam pelbagai saluran samada dengan bersua muka, melalui sms / hp, email, surat cadangan mahupun menggunakan kemudahan **eForum**. Gunakanlah saluran-saluran ini. Saya yakin, jika kita semua, ibubapa dan penjaga, bergabung, bermuafakat bersatuhati dan sentiasa berganding bahu bantu membantu, kita dapat mewujudkan PIBG yang akan mendatangkan banyak manfaat dan kebaikan untuk semua warga SIMDE. Komitmen inilah yang kita perlu direalisasikan untuk memartabatkan sekolah anak-anak kita ini.

Pada bulan September ini, anak-anak kita, para pelajar Darjah 6 akan mengambil Peperiksaan UPSR / PSRA. Marilah kita semua, ibubapa dan guru-guru, sama-sama berdoa semoga Allah s.w.t terangi hati pelajar-pelajar ini, kurniakan mereka kesihatan yang baik dan mempermudah mereka menjalani peperiksaan. Semoga mereka semua akan mendapat keputusan UPSR / PSRA yang cemerlang dan sekaligus meningkatkan prestasi SIMDE.

Bagi pihak seluruh ibubapa pelajar Darjah 6, saya mengucapkan jutaan terimakasih kepada semua guru SIMDE, khususnya yang mengajar pelajar Darjah 6, kerana telah bertungkus lumus tanpa jemu mengajar, mengorbankan masa dan tenaga terutamanya untuk Program Gerak Gempur UPSR / PSRA 2007. Semoga Allah s.w.t merahmati dan memberkati semua guru SIMDE dan kaum keluarga mereka, dunia dan akhirat.

Sekian, terimakasih. Wassalam.

Salam Hormat,

Tajudin Mohd Sap
Yang Dipertua PIBG SIMDE

**PIBG SIMDE MENGUCAPKAN KEPADA SELURUH WARGA SIMDE
IBUBAPA, PENJAGA, GURU & PELAJAR SIMDE
SELAMAT MENYAMBUT HARI KEMERDEKAAN KE-50
MALAYSIAKU GEMILANG
&
SELAMAT MENYAMBUT RAMADHAN AL-MUBARAK**

BERITA SEMASA

3, 10 & 17 Ogos 2007. Mulai jam 7.30 petang (Maghrib & Isyak), Majlis Solat Hajat dan Qiamullai untuk pelajar SIMDE yang akan menduduki peperiksaan UPSR dan PSRA telah diadakan. Terima kasih atas kehadiran tuan / puan dan semua ibubapa yang meluangkan masa bersama-sama meraikan majlis tiga minggu berturut-turut ini. Terimakasih juga kepada ibubapa yang terlibat secara sukarela memberi nasihat dan motivasi kepada para pelajar dalam program tersebut. Semoga para pelajar SIMDE akan berjaya mendapat keputusan cemerlang, Insha Allah.

4 Ogos 2007. Mulai jam 8 pagi – 4 petang. PIBG menyertai program anjuran SIMDE melawat, bergotong royong, bersukan dan meraikan anak-anak yatim di Rumah Anak Yatim Nur Hikmah di Kajang, Selangor. Program yang baik ini mendapat sokongan berupa barang makanan dan keperluan harian daripada ibubapa yang prihatin. PIBG berharap lebih ramai ibubapa turut serta memeriahkan program SIMDE melawat rumah anak yatim dan orang tua di masa akan datang.

11 Ogos 2007. Mulai jam 9.00 pagi - 11 pagi, bertempat di Dewan SIMDE, Program Bercerita PIBG Sesi Pertama telah diadakan. Sesi ini telah dijayakan oleh En. Azrul Hizam bin Mohammadiyah Munir, First Officer, Boeing 777-200 Malaysia Airlines (MAS) dengan tajuk ceritanya "***Seronoknya Menjadi Pilot***" dan Kapten Dzulhazmy bin Zainal Abidin, Ketua Unit Search & Rescue, Pasukan Khas Tentera Udara DiRaja Malaysia (PASKAU) dengan tajuk "***Menyelami Dunia Elit Komando***". Semoga para pelajar dan ibubapa serta penjaga yang hadir memperolehi banyak pengetahuan dari pengalaman daripada sukarelawan sesi pertama tersebut.

PIBG SIMDE mengalu-alukan dan menyeru lebih ramai ibubapa dan penjaga serta para pelajar hadir bersama pada majlis seperti ini. Ibubapa yang berminat untuk terlibat sama dalam program bercerita diminta menghubungi Ketua Biro Pendidikan & Hal Ehwat Pelajar.

PROGRAM TERKINI BULAN SEPTEMBER ~ 1 September 2007:

Satu majlis **Bacaan Yassin & Solat Hajat Peringkat Sekolah Islam Swasta (GASIS)** akan diadakan pada hari Sabtu, 1 September 2007 jam 8.30 pagi ~ 11 pagi, bertempat di Masjid Darul Ehsan (sebelah SIMDE). Majlis akan dipimpin oleh Imam Masjid Ustaz Imran Nasoha dengan ceramah oleh Tuan Haji Zainudin Karima.

Semua ibubapa & penjaga SIMDE dijemput hadir memeriahkan majlis ini.

Biro Keceriaan, Keselamatan, Kebersihan & Kesihatan
(Encik Abu Hussain bin Mohamed hp: 019-2111772)

Bagi menjamin kebersihan & keceriaan sekolah, Biro ini sedang merancang untuk mengadakan program Gotong Royong di dalam bulan Oktober / November 2007. Sehubungan dengan itu, semua ibubapa dan penjaga adalah diharap untuk menyertai bersama di dalam program ini. Tarikh dan maklumat lanjut berkenaan program ini akan dimaklumkan nanti.

~~~~~

**UJIAN PENILAIAN SEKOLAH RENDAH  
(UPSR) DAN PENILAIAN SEKOLAH  
RENDAH AGAMA (PSRA)**

PIBG SIMDE mendoakan kejayaan para pelajar SIMDE yang akan menduduki peperiksaan UPSR pada 3 – 5 September 2007 & PSRA 17 - 19 September 2007. Ameen.

**TABUNG PEMBANGUNAN & KEBAJIKAN  
PIBG 2007 - 2009**

Ibubapa & penjaga boleh membuat sumbangan ikhlas untuk Tabung Pembangunan & Kebajikan  
**Bank Muamalat 1 206 00009 61 717**  
**a/c PIBG Integrasi SIMDE @ hubungi**  
**Bendahari PIBG**  
(Puan Kamariah bt Nasir HP:012-6683332)

~~~~~

SELAMAT PENGANTIN BARU!!!

PIBG SIMDE ingin mengucapkan selamat pengantin baru kepada guru dan pasangan. Diharap ikatan kasih dirahmatinya selalu dan berkekalan hingga ke akhir hayat. Ameen.

Mohd Zaidi b. Md. Ramli & Azeean Emilda bt Mamat (12 Ogos 2007)
Windi Darmawati bt Norman & Roslan b. Abu Samah (12 Ogos 2007)
Fadilah bt. Nordin @Yaumil & Muhammad Abid b. Ayub (18 Ogos 2007)
Nurul Hadida bt Hj. Abu Bakar & Muhammad Iqbal Salleh (19 Ogos 2007)
Nabihah bt. Mohd Zaid & Safwan b. Safaruddin (25 Ogos 2007)
Umi Haryati bt Abdul Hadi & Zaiful Aznan Shah b. Zawawi (1 September 2007)

SUBKOMITI DIPERLUKAN BAGI BIRO PIBG

PIBG SIMDE memerlukan sokongan padu daripada ibubapa dan penjaga bagi menjayakan program-program yang telah diatur sepanjang tahun 2007 hingga 2009.

Oleh itu, adalah menjadi harapan supaya ibubapa dan penjaga menawar diri sebagai sub-komiti bagi Biro-biro kecil yang telah ditubuhkan. Sila hubungi Ketua Biro seperti senarai di www.simde.edu.my/pibg.php @ hubungi Setiausaha PIBG, En. Mohd Mezlan Hamat (019-6929523).

RENUNGAN:

Firman Allah s.w.t:

“Dan tolong-menolonglah kamu dalam (mengerjakan) kebajikan dan taqwa, dan jangan tolong-menolong dalam berbuat dosa dan pelanggaran. Dan bertaqwalah kamu kepada Allah, sesungguhnya Allah amat berat siksa-Nya” (Surah Al-Maidah : ayat 2)

Sabda Rasulullah s.a.w.:

“Bersangka baik ialah sebahagian ibadat yang baik.” (Riwayat Ahmad dan Abu Daud).

*****RUANG IKLAN*****

CAKELICIOUS

Margie Mohd (hp: 012-2000711)

53, USJ 3A/7, 47610 Subang Jaya

Email: mmahjab@gmail.com

<http://cakesandcupcakes-margie.blogspot.com/>



A cake for every occasion. Why get an ordinary cake when you can get something special to treat your family and guest with. Not only do the cakes look good, but, they taste great too! See the smile on the face of your loved ones when you present them a Cakelicious cake.

We provide custom made cakes and cupcakes for every occasion (birthdays, wedding door gifts, office parties, wedding cakes, baby shower, etc). Give me a call at 012-2000711 to place your order now.

"Anda ingin mengiklankan perniagaan di *SUARA PIBG SIMDE* atau di laman web PIBG SIMDE? Hanya dengan RM50.00 sebulan di *SUARA PIBG* atau RM200.00 setahun (~RM0.55 sehari) di laman web PIBG, dapat mengembangkan perniagaan anda!! Sila hubungi Ketua Biro Perhubungan, Komunikasi & IT untuk keterangan lanjut".

***SUARA PIBG SIMDE* adalah edaran dalaman dan terhad untuk ibubapa, guru & penjaga pelajar-pelajar Sekolah Integrasi Masjid Darul Ehsan**

SUARA PIBG SIMDE diterbitkan oleh **Biro Perhubungan, Komunikasi & IT, PIBG SIMDE**. Kami mengalu-alu pandangan untuk memperbaiki kandungan dan susunannya. Sebarang idea dan bantuan, sila hubungi Ketua Biro, Puan Sita Dini

hp: 012 6171685 & email: sita_dini2001@yahoo.co.uk

Sila layari www.simde.edu.my untuk PIBG eForum.

Terima kasih.